

洪憲元年二月十九日星期六第四十四號

政事堂印鑄局發行

北京東長安牌樓王府井大街
電話東局二百零一號

政 八 公 報

統率辨

本報價目

- 一本報按照陽曆每日出版一號
- 一定購三月者收回大洋二元三毛
- 一定購長年者收回大洋八元
- 一外埠購報每半年加郵費洋一元
- 如送報夫役私自加價請告知本局以便查究是為至要
- 一定購一月者收回大洋八毛
- 一定購半年者收回大洋四元五毛
- 一零售每號銅元五枚以本日為限
- 一裝訂每月收回大洋一毛五分不裝訂者聽

命令

政事堂奉

策令張景惠給予四等嘉禾章此令

政事堂印

洪憲元年二月十八日

國務卿陸徵祥

政事堂奉

策令張春兩給予五等嘉禾章此令

政事堂印

洪憲元年二月十八日

國務卿陸徵祥

政事堂奉

策令王克儉給予五等文虎章此令

政事堂印

洪憲元年二月十八日

國務卿陸徵祥

政事堂奉

策令任命德銓為山西全省警務處處長兼管省會警察事宜此令

政事堂印

洪憲元年二月十八日

國務卿陸徵祥

政事堂奉

策令財政總長兼鹽務署督辦周學熙奏據兩淮鹽運使方碩輔詳請任命伊若珩為板浦場知事鄭功燿試署中正場知事應照准此令

政事堂印

洪憲元年二月十八日

國務卿陸徵祥

政事堂奉

策令陸軍部奏請將錢尙志授為陸軍二等軍醫正應照准此令

政事堂印

洪憲元年二月十八日

國務卿陸徵祥

國務卿奏據銓叙局詳稱會辦京兆區域經界事宜王達應否覲見由
政事堂奉

批令王達著免其覲見此令

政事堂印

洪憲元年二月十八日

國務卿陸徵祥

外交部奏報特派江蘇交涉員楊晟到任日期由

政事堂奉

批令悉此令

政事堂印

洪憲元年二月十八日

國務卿陸徵祥

內務部農商部奏會核江西商務總會會長曾秉鈺病故請卹辦法可否照薦任人員議卹由

政事堂奉

批令交政事堂飭銓叙局查核辦理此令

政事堂印

洪憲元年二月十八日

國務卿陸徵祥

內務部奏遵核長江巡閱使電保連破機關獲辦黨匪出力人員張陽椿等擬請准以縣知事縣佐分別任用由

政事堂奉

批令准如所擬分別任用即由該部照章辦理此令

政事堂印

洪憲元年二月十八日

國務卿陸徵祥

陸軍部奏遵議綏遠都統潘矩楹處分由

政事堂奉

批令潘矩楹著從寬褫職並奪上將銜陸軍中將原官仍留綏遠都統本任以觀後效此令

政事堂印

洪憲元年二月十八日

國務卿陸徵祥

陸軍部奏請將劉相卿等分別補授陸軍官佐由

政事堂奉

批令准如所擬分別授官此令

政事
堂印

洪憲元年二月十八日

國務卿陸徵祥

司法部奏彙報廣東廣西兩省死刑案件繕單請示由

政事堂奉

批令准如所擬執行即由該部轉行遵照單存此令

政事
堂印

洪憲元年二月十八日

國務卿陸徵祥

大理院奏造報一月分收結民刑事訴訟案由

政事堂奉

批令悉單表存此令

政事
堂印

洪憲元年二月十八日

國務卿陸徵祥

蒙藏院奏請以烏勒吉畢里克圖承襲鎮國公爵由

政事堂奉

批令准其承襲此令

政事堂印

洪憲元年二月十八日

國務卿陸徵祥

財政總長兼鹽務署督辦周學熙奏請任命伊若珩等為兩淮板浦等場知事並懇免覲由

政事堂奉

批令伊若珩等已有令分別任命并准免覲交政事堂飭銓叙局查照此令

政事堂印

洪憲元年二月十八日

國務卿陸徵祥

財政部審計院奏遵批審查陝西警備隊司令處暨所屬步馬各營上年一月至六月支出各款准

予核銷祈鑒由

政事堂奉

批令准予核銷此令

政事堂印

洪憲元年二月十八日

國務卿陸徵祥

審計院奏本院審計官楊汝梅等蒙改簡任代陳謝悃由

政事堂奉

批令悉此令

政事堂印

洪憲元年二月十八日

國務卿陸徵祥

審計院奏報試署審計官胡璧城就職日期由

政事堂奉

批令悉此令

政事堂印

洪憲元年二月十八日

國務卿陸徵祥

審計院奏代陳試署審計官胡璧城謝悃由

政事堂奉

批令悉此令

政事堂印

洪憲元年二月十八日

國務卿陸徵祥

籌備立法院
辦理國民會議

事務局局長顧鼐奏本局評議援案請改簡任由

政事堂奉

批令該局評議應准改爲簡任其科長秘書各員仍著按照薦任職辦理所請從優叙等之處著毋庸議此令

政事堂印

洪憲元年二月十八日

國務卿陸徵祥

靖武將軍督理湖南軍務湯彞銘奏民國四年十一月分所屬各軍隊辦理盜匪案件執行死刑人數遵章彙報由

政事堂奉

批令悉交陸軍部查照表並發此令

政事堂印

洪憲元年二月十八日

國務卿陸徵祥

湖北巡按使段書雲奏鄂省防務緊要擬將道試展緩舉行當否請示由政事堂奉

批令准其暫緩舉行交政事堂飭銓叙局查照此令

政事堂印

洪憲元年二月十八日

國務卿陸徵祥

湖北巡按使段書雲片奏臚陳前財政廳長胡文藻在鄂成績懇量予錄用由政事堂奉

批令胡文藻著交財政部酌量任用此令

政事堂印

洪憲元年二月十八日

國務卿陸徵祥

湖北巡按使段書雲奏豫保存記人員王爲毅堪勝道尹之任臚舉成績請予儘先簡用

由
政事堂奉

批令王爲毅著仍交政事堂存記此令

政事堂印

洪憲元年二月十八日

國務卿陸徵祥

山西巡按使金永片奏曾任簡任裁缺人員解榮輅劉縣訓二員援案請予叙官由

政事堂奉

批令交政事堂飭銓叙局核叙此令

政事堂印

洪憲元年二月十八日

國務卿陸徵祥

山西巡按使金永片奏所屬薦委待遇各職員孔慶鑽等請分別叙官由

政事堂奉

批令交政事堂飭銓叙局核叙此令

政事
堂印

洪憲元年二月十八日

國務卿陸徵祥

山西巡按使金永奏山西警備總司令部參議譚啟瑞等五員資勞甚深援案請從優叙
官由

政事堂奉

批令交政事堂飭銓叙局核叙此令

政事
堂印

洪憲元年二月十八日

國務卿陸徵祥

山西巡按使金永奏報河東道道尹萬和寅到任日期代陳謝悃由
政事堂奉

批令悉此令

政事
堂印

洪憲元年二月十八日

國務卿陸徵祥

山西巡按使金永片奏現任山西省會警察廳長靳鞏請准以縣知事分發任用並交存
記由

政事堂奉

批令靳鞏著以縣知事分發任用交內務部查照辦理並交政事堂存記此令

政事堂印

洪憲元年二月十八日

國務卿陸徵祥

山西巡按使金永奏查明晉省各縣舊案交代因公虧挪及變亂損失各款懇請分別豁
免核銷繕單祈鑒由

政事堂奉

批令所有前清交代欠款應准依照前令悉予豁免至所請民國以來各縣虧挪損失各款一
併核銷之處交財政部核議具復單並發此令

政事堂印

洪憲元年二月十八日

國務卿陸徵祥

國務卿奏據銓叙局詳稱逕核浙江災賑案內出力員紳比照薦委任請予叙官摺(附單)

奏為遵核浙江災賑案內出力員紳勞績叙官資格開單恭摺仰祈 聖鑒事據銓叙局詳稱本年一月二

十一日奉交署浙江巡按使屈映光奏災賑一律辦理完竣謹查明先後在事員紳章學謙等接案擇尤請獎

一案奉 批令准如所擬分別給獎交政事堂飭銓叙局查照此令等因并准咨送履歷鈔摺各一件到局

除原奏所請註冊并用暨給獎勳章各員業已遵照辦理詳請奏准在案外所有准予分別叙官之呂渭英等

九員均屬臨時差務別無官制可資比較擬按照各該員原有資格分別薦委任叙授是否有當謹開單詳請

轉奏前來理合恭摺具陳伏乞 皇上聖鑒訓示遵行謹 奏

政事堂奉

政事堂印

批令呂渭英已有令明發其王樹楛等并准如擬授官單併發此令

洪憲元年二月十二日 國務卿陸徵祥

謹將浙江災賑案內出力員紳比照委任待遇叙官名單開列恭呈 御覽

計開

吳興商務分會總理王樹楛 嘉湖鎮守使署軍法官陳駿業 浙江水利委員會技士陳宜裕 興武將軍

行署軍需課課員吳昌齡 文庫主任委員譚崇仁 軍需課課員王鴻鈞 浙江巡按使公署總務科科

員朱承章

以上七員積資四年以上并曾為委任職按照文官官秩令應授為上士

與武將軍行署軍需課員顧岳鑑

以上一員積資二年以上并曾爲委任職按照文官官秩令應授爲中士

國務卿奏據銓叙局詳稱遵核內務部改叙各員資格請予叙官摺

奏爲遵核內務部改叙著有資勞各員叙官資格恭摺仰祈 聖鑒事據銓叙局詳稱本年一月二十六日

奉交內務部奏部員鄭象堃著有資勞接案請予分別改叙並補叙官秩奉 批令交政事堂飭銓叙局核

辦等因查鄭象堃等員係內務部僉事技正因民國二年修正官制呈明停職改爲委任該員等於委任職內

業由局分別核叙在案現該管長官奏請援案改叙既奉 批交局核辦自應遵照辦理查司法部主事吳

洪椿從優改叙官秩一案內有呂慰曾一員積資十年以上並曾爲薦任職奉 策令均進授爲少大夫此

次沈學範沈炤沈秉衡姜兆璣四員由內務部奏請改叙積資亦在十年以上並曾爲薦任職與呂慰曾情事

相同擬請援案授爲少大夫鄭象堃向迪琮許允孫潤畬四員原叙中士擬請進叙上士其汪與準劉駒賢劉

翔雲王廷華萬樹芳五員前於該部委任職叙官案內均授爲上士現雖援案改叙惟積資未滿八年即按照

薦任職核叙仍應叙上士應請毋庸改叙又和爾謹一員係停職主事自應照委任職核叙該員積資四年以

上並曾爲委任職照官秩令應請授爲上士所有遵核內務部援案改叙各辦法是否有當詳請轉奏等情理

合恭摺具陳伏乞 皇帝陛下聖鑒訓示謹 奏

政事堂奉

批令沈學範等八員已有令照准和爾謹一員並准授爲上士餘如所擬辦理此令

政事堂印

洪憲元年二月十二日

國務卿陸徵祥

國務卿奏據銓叙局詳稱遵議已故京師稅務監督何棧從優給予卹金卹典摺

奏爲遵 令從優議給已故京師稅務監督何棧卹金卹典恭摺具奏仰祈 聖鑒事銓叙局詳稱本年

一月二十八日奉 策令京師稅務監督何棧性情篤實操守謹嚴歷辦軍務糧餉徵收等事學畫精詳功

績昭著茲聞溘逝軫惜殊深何棧著追贈少卿由政事堂飭銓叙局從優議卹以示篤念勤勤之至意此令等

因奉此職局向來承辦各項郵案凡遇奉 特令從優議卹之件歷經奏 准於照章核給卹金外並援

案加給卹典各在案茲京師稅務監督何棧因病逝世奉 令追贈少卿並飭局從優議卹自應查照優卹

成案辦理查文官卹金令第二十三條載文官在職一年以上又無第十七條情事之死亡者得於該文官死

亡時一月俸額之範圍內給以一次卹金等語該監督奉 令任職業經在一年以上擬請給以該故監督

在職時一月俸額之一次卹金俟奉 批後即查明該監督月俸數目再行照章辦理又查前督辦許鼎霖

病故奉 令追贈少卿並准 派員致祭暨給與治喪營葬費二千元各在案該故監督何棧業蒙 令從

特令追贈少卿官秩正同擬即援照前案請 派員致祭並酌給治喪營葬費以示優異所有遵 令從

優議卹已故京師稅務監督何棧各辦法是否有當謹詳請轉奏各等情理合恭摺具奏伏祈 皇帝陛下

聖鑒訓示謹 奏

政事堂奉

批令准如所議給卹派京兆尹王達前往致祭並給予治喪營葬費二千元以示優異交財政部查照此令

政事堂印

洪憲元年二月十三日

國務卿陸徵祥

內務部奏湖北省鍾祥隄工三屆安瀾出力員紳余鼎臣等擬請援案給獎摺(附單)

奏為湖北省鍾祥隄工三屆安瀾在工出力員紳擬請援案給獎繕具清單仰祈 聖鑒事竊准湖北巡按使臣段書雲咨陳鄂省襟江帶河素稱澤國全賴隄防為之保障前清時所有江流之荊州萬城襄陽之鍾祥十八工等隄承修防守人員處分保獎均有定案蒞任以來會據荆南道道尹詳報萬城隄工總理徐國彬等修防得力三慶安瀾援照清例保獎當經咨部調查成案呈奉 批令准如所擬給獎在案茲據襄陽道道尹詳報鍾祥隄工局總理及出力員紳四名履歷事實清冊懇予核咨前來本署詳加覆查該總理等在工三年實屬得力核與萬城隄局請獎前案事同一律自應准予轉咨核辦咨陳查核辦理等因並附清冊到部查上年湖北省萬城隄工三屆安瀾准該省咨報到部查與成案相符曾經呈奉 批准給獎有案茲准該省據襄陽道道尹詳稱該總理余鼎臣於民國元年到差對於修防一切事宜悉心規畫成績昭然其餘在局員紳亦能各盡其職均無貽誤等語臣部查湖北省鍾祥隄工總理余鼎臣等四員歷年防護搶險不無微勞足錄現已三屆安瀾擬請比照上年萬城隄工成案分別給獎藉資激勵所有請獎湖北鍾祥隄工三屆安瀾在工出力員紳緣由是否有當謹恭摺開單具陳伏乞 皇帝陛下聖鑒訓示謹 奏

政事堂奉

批令准如所擬給獎交政事堂飭銓叙局查照單并發此令

政事堂印

洪憲元年二月十三日

國務卿陸徵祥

謹將鍾祥隄工三屆安瀾出力員紳擬請分等獎給嘉禾章繕具清單呈請

鑒核

計開

鍾祥隄工局總理余鼎臣

以上一員擬請仿照湖北省萬城隍工局總理給獎成案獎給七等嘉禾章

鍾祥隄工局監修員高趾祥 鍾祥隄工局監修員朱吉丞 鍾祥隄工局收支員余大綸

以上三員擬請仿照湖北省萬城隍工局員給獎成案獎給九等嘉禾章

教育
內務部
農商部
奏遵議胡維賢條陳華僑辦法會陳請示摺

奏為遵議胡維賢條陳華僑辦法三端恭摺會覆仰祈 聖鑒事竊准政事堂鈔交外交部呈據新加坡總

領事胡維賢條陳華僑辦法三端以備采擇一案奉 批令呈悉所陳頗可采用交內務部教育農商三部妥

籌議覆鈔件並發此批等因奉此該領事條陳係以開黨禁勵實業獎與學三者為目前切要之圖其第一款

請除黨禁內稱前年贛寧之亂凡黨魁逃至南洋者除少數工黨為所煽惑商界老成大都處與委蛇內地偵

探往往不審虛實牽率入告按名逮捕僑界聞之引為大辱擬請 明令宣布凡屬華僑曾入黨籍由各省

誤報有案嫌疑牽入者概予除名其熱心公益僑譽卓著者准由領事隨時稟報請予 特獎以安反側而

資觀感等語內務部查附亂自首特赦令對於前此亂黨苟能悔過自首無不立沛寬典予以自新在僑眾遠

隔重洋或因逃聽而滋誤會其情本屬可原茲議各埠華僑凡非甘心附亂而因嫌疑牽入有案者即由該管

領事查明冊報外交部轉請除名概予寬免至熱心公益之僑商前已歷經請獎有案以後如有深明大義力

謀公益之人自可由各該領事擇尤詳部從優給獎蓋寬其既往之嫌則咸思自濯獎其好義之舉則樂與圖

功此籌議開除黨禁之辦法也其第二款請勸實業內稱僑商歸國經營農工商鑛各事擬請另編條例先由

農商部開明地點指定事業估計資本招商承辦或明定專利年限或量定保護專條俾知有利可圖無險足

慮等語農商部查吾國農工商鑛無一不待振興如殷商相率來歸經營實業凡政府力所能為之事自無不

竭誠提倡以資興起而廣招徠上年吉隆坡僑商陸秋泰回國調查經部咨行粵省妥為保護至保護回國華

僑條例福建巡按使於上年四月間擬具辦法五條咨陳備案僑商均尚樂從其廣東所訂辦法七條前據緬

旬中華商會以苛擾難逾等情稟蒙 交部經部奏請咨行刪改自可毋庸另訂惟僑商久居異國於內地實業情形容有未諳該總領事所稱先由農商部開明地址指定事業估計資本招商承辦等語所陳尤爲扼要應即由部隨時規畫設法招徠或並明定章程多方鼓舞俾資觀感而孚羣望此籌議獎勵實業之辦法也其第三款請獎興學內稱僑界學生對於祖國咸知敬仰及時提倡實爲至要擬請凡教授合法成效昭著之學校准由領事詳列成績擇尤稟請教育部量予獎勵其成績優美者准由領事考驗擇優咨送內地升學肄業其西文及格者並送入北京清華學校預備游美留學或爲僑學撥定專額二三名以示鼓勵而端趨嚮等語教育部查僑民僻居海外經營教育事業每以缺乏教員不諳學章時形困難上年教育部曾因各該埠請派教員先後酌選委員往司訓迪以資模範凡遇捐資興學各案均經照章分別給獎以後如確有辦理合法成績卓著之學校經該埠領事詳報或由部查所及應即隨時予以獎勵其僑生回國就學辦法教育部曾於三年二月訂定僑民回國就學規程七條公布在案所有考驗選送各節均經規定自可查照辦理至送入清華學校肄業一節現經教育部咨由外交部轉飭該校設法籌定華僑名額俟接覆後當再咨行飭遵務使選方學子咸備進學之階梯而無向隅之缺望此籌議獎勵僑學之辦法也所有遵議華僑辦法各緣由是否合當理合恭摺會陳伏乞 皇帝陛下聖鑒訓示再此摺係內務部主稿會同教育部農商部辦理因往復咨商是以奏覆稍遲合併聲明謹 奏

政事堂奉

批令准如所議辦理交外交部分行遵照此令

政事堂印

洪憲元年二月十三日

國務卿定徵祥

財政總長兼鹽務署督辦周學熙奏請責成地方官協緝私摺

奏爲確鹽充斥妨害鹽綱擬請責成地方官協同查緝以維國稅恭摺仰祈 聖鑒事竊查近畿各省如直隸河南山東等處素產確鹽從前直隸產旺之時鹽綱首被其衝冀縣南宮一帶淋曬尤繁自經歷任鹽運使及地方官以平毀鹽池提倡工作爲並顧兼籌之計所在人民始漸知企業故近年以來直省確鹽日見減少而豫省則未見大效山東之曹縣單縣斥鹵滋多上年因河南內黃縣平池滋事曾經臣部呈明派員開辦耕荒一面仍由地方官嚴禁私淋辦理數月尙屬相安山東之曹單兩縣所產確鹽前已由該省運使派員設法取締並經臣部咨明該省將軍巡按使轉飭營縣協力奉行惟產確之地無不產鹽而確地又隨在多有偷煎私曬防不勝防現在國事艱難鹽款爲重確私增旺國課即虧在臣部職掌所關祇有恪秉 成謨仍以緝私平池爲治難之主要應即嚴飭蘆東兩省緝私軍隊認真查緝以杜私銷但緝隊兵力有限確鹽處處可行若非地方官遇事維持盡力協助則仍屬鞭長莫及擬請 飭下直隸河南山東等三省將軍巡按使轉飭產確地方該管營縣於確鹽之偵緝查禁應隨時與緝私營接洽不分畛域認真襄理一面仿照直隸舊日辦法就地土性所宜民情所近由地方官將耕荒工藝兩端切實提倡使鹽民改業有資庶不至流爲竄惰將來辦理如有成效並准其開單列保咨由臣部奏請優獎以資鼓勵至人民易惑難曉動以生計爲詞不知私淋確鹽本非國家所許其違禁犯法正與罌粟相同當煙禁初起之時民間何嘗不藉口生計卒以政府主持疆吏督責不數年間即漸次禁絕固不聞因煙禁實行而生機遂絕況地力之能盡與否全視乎人力一勤一惰荒熟爲殊迭據調查員報告確地情形往往有阡陌相連不及數武此則禾苗暢茂彼則確鹵結凝揆厥由來以樹藝者勞而所獲較少淋曬者逸而所入較豐故寧舍此而就彼是又在有地方之責者善於勸導勤於督率使蚩蚩之氓曉然於改業之利樂趨本務則確鹽之害將不禁而自息國計民生均有裨益如蒙 允准現正值春銷緊要可否 明發申令俾策進行之處伏候 聖裁所有擬請責成地方官協同查緝確鹽緣由是否有當理合恭摺具陳伏乞 皇帝陛下聖鑒訓示施行謹 奏

政事堂奉

批令所籌甚是已另有令明發矣此令

政事堂印

洪憲元年二月十二日

國務卿陸徵祥

財政部奏擬訂緝私管執法處審判私鹽案件條例摺(附摺)

陸軍部奏擬訂緝私管執法處審判私鹽案件條例摺具陳仰祈 聖鑒事竊查鹽務緝私營內附設執法官一員專管審訊販私案件曾於上年二月間經財政部會同陸軍部呈准在案惟此項審判程序似非明定條例不足以昭鄭重而便稽核謹擬就緝私管執法處審判私鹽案件條例草案六條擬請 命令公布以資遵守所有擬訂條例擬請公布緣由是否有當理合繕摺具陳伏乞 皇帝陛下聖鑒再此摺係陸軍部主稿會同財政部辦理合併聲明謹 奏

政事堂奉

批令准如所擬辦理此令

政事堂印

洪憲元年二月十三日

國務卿陸徵祥

緝私管執法處審判私鹽案件條例草案

第一條 緝私管執法處審判私鹽案件憲以聚眾持械拒捕者為限

第二條 除第一條規定外緝私營緝獲其他販私人犯均應依緝私條例第四條之規定辦理

第三條 緝私營執法處判決案件應由緝私統領錄具全案報由該管鹽運使牒請駐紮省分之將軍或護軍使核辦俟得復准後即由該處執行

其判決徒刑人犯得移送附近之地方監獄執行

第四條 將軍護軍使接到前條詳報案件認為有疑誤時得飭再審或飭移送該管審判廳或兼理司法之縣知事覆審

第五條 執行死刑或徒刑人犯之姓名年月日時並犯罪事實應由緝私統領彙報由該管鹽運使按季詳報財政部並牒送駐紮省分之將軍或護軍使轉咨陸軍財政司法三部

第六條 本條例自公布之日施行

陸軍部奏遵請將廣東緝獲亂黨人員楊錦龍等補授軍官摺(附單)

奏為遵請補授陸軍實官人員繕單恭摺仰祈 聖鑒事竊准政事堂鈔交致振武上將軍督理廣東軍務

龍濟光上年十月賄電內開奉 令陽電悉亂黨黃陞等迭經緝獲訊懲辦理均屬得力所有請獎文武各

員應均照准交內務陸軍兩部查照呈辦等因奉此當經臣部電行該省調取各該員履歷茲准咨送到部所

有准補軍官人員自應遵請補授惟原電內有請補陸軍步兵上尉楊志士一員查該員已於民國二年十二

月補授陸軍步兵上尉並加少校銜在案此次履歷內復開擬補陸軍步兵少校其原電係屬錯誤應否將楊

志士升補陸軍步兵少校之處理合一併繕單恭摺具陳伏乞 皇帝陛下聖鑒訓示謹 奏

政事堂奉

批令楊錦龍等已另有令明發餘如所擬分別授官單存此令

政事堂印

洪憲元年二月十二日

國務卿陸徵祥

謹將遵請補授陸軍實官人員繕單恭呈 御覽

計開

委員張秉和 連長覃玉貴 衛弁長陳乃斌 排長吳義斌 劉永昌 馬長庚 張登桂

以上七員遵請 授為陸軍步兵上尉

排長樊漢祥

以上一員遵請 授為陸軍步兵中尉

陸軍部奏請將鮑鼎昌等分別補授陸軍官佐摺

奏為請補陸軍官佐實官人員恭摺仰祈 聖鑒事竊准昌武將軍督理江西軍務李純咨送該行署暨現任軍隊職務未補實官人員履歷請予按職核補實官等因當經臣部詳加覆核除該行署供職各員核與陸軍官佐補官令施行細則第十條第一項規定不符未便奏請補授陸軍實官業由臣部分別咨覆外其陸軍第九混成旅軍法官鮑鼎昌充任軍法職務已滿二年核與該細則第十一條第四項相符該混成旅輜重營第三連排長馮魁元充任軍法職務已滿二年核與該細則第十條第二項相符擬請將該軍法官鮑鼎昌補授陸軍三等軍法官正排長馮魁元補授陸軍輜重兵少尉以符定章理合恭摺具陳伏乞 皇帝陛下聖鑒訓示謹 奏

政事堂奉

批令鮑鼎昌已另有令明發馮魁元著授為陸軍輜重兵少尉此令



洪憲元年二月十二日

國務卿陸徵祥

國務卿陸徵祥

籌備國民代表大會事務局局長顧謐奏報江西省辦理國民代表選舉投票暨決定國體投票情形摺
奏爲報明國民代表大會據江西省國民代表選舉監督冊報先後辦理選舉投票暨決定國體投票情形恭摺仰祈 聖鑒事竊查國民代表大會各省及各特別行政區域籌備大概情形及選舉人資格選舉場所並選舉代表決定國體兩項投票日期前經臣局分別繕單彙報在案現在國體業經決定各處所有依法辦理詳細情形自應分省彙案核具報以昭鄭重茲據江西省國民代表大會暨江西選舉監督昌武將軍督理江西軍務李純江西巡按使戚揚造具江西籌辦國民代表大會暨江西選舉國民代表及決定國體投票開票情形各報告書並一應名冊咨送前來臣局詳加覆核一切選舉程序及各選舉人並當選人資格均與法定相符謹據該監督等報告各節爲我 皇帝陛下縷晰陳之一江西省自國民代表大會組織法公布後即經該監督等會商以茲事體大本應特設籌辦機關惟該省前派辦理國民會議議員選舉事務所職員陳嘉善等襄辦選政均已積有經驗法令程序尤爲諳悉因仍令該所兼任籌辦並加派昌武將軍行署秘書官高培樞參與其事以資接洽而昭慎重又以國民代表選舉人依法應以國民會議議員初選當選人及有覆選被選資格者兩項並用而時距該省國民會議議員初選期尙有旬日該監督等深維解決國體事關重要選舉代表表勢難過遲該省各屬交通又多不便即經飛電各縣將國民會議議員初選舉依期舉行如有必要情形並應酌量提前辦理務使大多數初選當選人得以到省投票選舉國民代表其有覆選被選資格者一項亦經該監督等就該省士紳詳加調查擇其確具有法定資格者會同認定將姓名資格電局核復加入選舉旋據各初選區先後具報初選董事並據各初選當選人親持證書陸續赴省計截至上年十月三十一日止共有報到初選當選人二百六十四人認定有覆選被選資格者除已經初選當選列入報到初選當選人總數外共四十人爰定期依法召集並將投票場所依法妥爲布置以期外觀莊嚴璀璨內部則秩序井然此江西省籌備國民代表大會之次第情形也一江西省選舉國民代表投票日期係定於上年十一月一日投

票場所係設於昌武將軍行署先由該監督等會委謝傳安等十四員爲投票開票管理員陳繼韶等十二員爲投票開票監察員屆期上午八時選舉人齊集軍署各職員均先時到所該監督等並親自蒞場執行監督職務各選舉人於畫到領票填票投票各手續均能恪守規則整齊有序管理監察各員亦均依法辦理至午後二時投票完畢由管理員當憑監督將票封鎖完固查閱簽到簿實到投票人共二百九十四人旋依法開票檢點票數與實到投票人數相符遂由開票管理員逐一唱名分別點記比較得票多數按贛省所轄縣治額數選出國民代表八十一人該被選代表等皆績學者紳允符衆望當場宣示咸慶得人是日羣情歡洽秩序整齊僉稱爲自來選舉所未有此江西省選舉國民代表投票開票之情形也一江西省國民代表決定國體投票日期係定於上年十一月五日仍在昌武將軍行署舉行該監督等以是日投票結果爲國家根本大計所關中外具瞻允宜特加隆重先經督飭各職員將投票場所精心布置飾綵重門務極喬皇壯麗之觀用昭亘古未有之盛屆期上午九時以前各代表及各職員一律齊集紳商士民盼望國體早定相率來觀並先期束約省會各界人員參觀盛典蒞會場後首由監督昌武將軍敬謹宣讀上年十月八日奉頒 告令

曉以國家對於國體之解決一以民意爲從違次由監督巡按使將參政院代行立法院議決投票標題暨巨局擬定施行辦法明晰宣示各代表肅聽畢隨依法親書票紙依次投票至上午十一時竣事旋由該監督等督同開票管理員依法開票計代表八十一人共投八十一票一致贊成君主立憲各代表及參觀人民歡聲雷動三呼萬歲是日並攝成影片多張以爲紀念此江西省國民代表決定國體投票開票之情形也巨局伏查江西省此次辦理國民代表大會事前之籌備既極完全事後之敷陳尤臻詳盡凡國家尊重民意與夫人民愛國之忱於斯可以概見除此外各省辦理情形應俟各該監督冊報到局再行彙報外所有報明國民代表大會據江西省國民代表選舉監督冊報先後辦理選舉投票暨決定國體投票情形各緣由理合將該省國民代表當選人姓名選舉人姓名及籌辦國民代表大會事務所職員姓名兩項投票開票管理監察各員姓名分繕清單恭摺具陳伏乞 皇帝陛下聖鑒謹 奏

政事堂奉

批令悉交內務部查照單並發此令

政事堂印

洪憲元年二月十二日

國務卿陸徵祥

籌備國民代表大會事務局局長顧鼐奏報新疆省辦理國民代表選舉投票暨決定國體投票情形摺
奏爲報明國民代表大會據新疆省國民代表選舉監督冊報先後辦理選舉投票暨決定國體投票情形恭
摺仰祈 聖鑒事竊國民代表大會新疆省國民代表選舉前因不合法定程序違 令更正所有另定
選舉及決定國體投票日期並依法選出代表情形業經 臣局據該監督電告於上年十一月二十三日報明
在案茲復據該監督新疆巡按使楊增新造具新疆籌備國民代表大會暨新疆選舉國民代表及決定國體
投票開票情形各報告書並一應名冊咨送前來經 臣局詳加覆核一切選舉程序及各選舉人並當選人資
格均與法定相符自應援照彙報各處辦理詳細情形成案再將該監督報告各節爲我 皇帝陛下縷晰
陳之一新疆省自國民代表大會組織法公布到達後即於國民會議議員覆選選舉事務所內附設新省辦
理國民代表大會籌備處當以公務殷繁除遴派覆選事務所事務員段承恩楊繼昌楊本端三員專辦外並
加派候補縣知事李晉年鄧繼先仰任和闐縣知事王昶濬三員以資襄助所有選舉人自違 令更正後
即依照組織法第四條之規定以國民會議各縣選舉會初選當選之覆選舉人及有覆選被選資格者兩項
並用至上一年十一月十日以後各縣初選當選人陸續到省者計有二百二十餘人其有覆選被選資格者亦
經該監督先後認定十八人報局核復合計與法定資格相符之兩項選舉人共二百三十九人爰由該監督
定期召集舉行國民代表選舉此新疆省籌備國民代表大會之情形也一新疆省選舉國民代表投票日期

保定於上年十一月十四日選舉場所係設於巡按使公署先期由該監督遴派公署科員炳照等七員爲投票開票管理員事務員楊繼昌等四員爲投票開票監察員屆期上午九時由該監督率同在事各員齊集會場各選舉人亦聯翩而至親自畫到領票依法寫投計到場投票者共二百三十九人即於午後四時開票由管理員逐一檢唱詳細點記實投二百三十九票核與投票簿簽到人數相符按照新省現轄縣額以得票比較多數選出國民代表當選人四十人當即對衆宣示並將姓名電局查照此新疆省選舉國民代表投票開票之情形也一新疆省國民代表決定國體投票日期係定於上年十一月十九日仍在巡按使公署舉行所有投票開票管理監察各員除以選舉代表之投票開票管理監察各員兼充外並加派張勳彭維藩孫潤森等三員爲管理員是日上午八時各代表一律到場首由監督恭讀上年十月八日 告令各代表序列肅

聽旋以次依法投票下午三時開票計新疆國民代表四十人所投四十票一致贊成君主立憲會場秩序極形整肅中外來賓參觀者舉欣欣然有喜色並攝有影片以爲紀念此新疆省國民代表決定國體投票開票之情形也臣局伏查新疆省此次辦理國民代表大會前因電文遲誤交通阻滯雖有變通遷就情事而自遵令更正以來所有一切籌備均係依照法令次第進行其結果亦足徵該省人民之公意除此外各省辦理情形尚有未據詳悉造報者應俟該監督冊報到局再行彙報外所有報明國民代表大會據新疆省國民代表選舉監督冊報先後辦理選舉投票暨決定國體投票情形合將該省國民代表當選人姓名選舉人姓名及籌備處職員姓名兩項投票開票管理監察各員姓名分繕清單恭摺具陳伏乞 皇帝陛下聖鑒 謹 奏

政事堂奉

批令悉交內務部查照單併發此令

政事堂印

洪憲元年二月十二日

國務卿陸徵祥

籌備國民代表大會事務局局長顧維鈞奏報察哈爾國民代表選舉投票暨決定國體投票情形摺
奏為報明國民代表大會據察哈爾國民代表選舉監督冊報先後辦理選舉投票暨決定國體投票情形恭摺仰祈 聖鑒事竊查國民代表大會各省及各特別行政區域籌備大概情形及選舉人資格選舉場所並選舉代表決定國體兩項投票日期前經臣局分別繕單彙報在案現在國體業經決定各處所有依法辦理詳細情形自應分區彙案核明具報以昭鄭重茲據察哈爾國民代表大會選舉監督察哈爾都統張懷芝咨報察哈爾國民代表大會籌備及選舉代表決定國體各情形並造具選舉報告書暨一應名冊咨送前來臣局詳加覆核一切選舉程序及各選舉人並當選人資格均與法定相符謹據該監督報告各節為我皇帝陛下縷晰陳之一察哈爾自接到頒布國民代表大會組織法後即在都統署內特設國民代表大會察哈爾辦理選舉事務所於上年十月十一日開始籌辦遴派都統署書記官兼總務處處長趙炳南等八員專司其事當以國民代表之選舉人依法須以國民會議議員初選當選人及有覆選被選資格者兩項並用因一面分飭各縣將選出之初選當選人限期報到一面遴選有覆選被選資格者由該監督依法認定電局復核定期舉行選舉國民代表此察哈爾籌備國民代表大會之情形也一察哈爾選舉國民代表日期係定於上年十一月三日投票場所係設於都統署內一切布置及投票開票規則均依照國民會議議員覆選之規定由該監督派定趙福洪等七員為投票管理員符海清等五員為開票管理員單晉蘇等八員為投票開票監察員屆期由該監督督同執行管理監察職務各初選當選人及有覆選被選資格者兩項選舉人共四十三名於上午十時齊集會場依法投票完畢當場開票比較得票多數按照所轄縣額選出國民代表七人當衆宣示全場秩序整齊衣冠肅穆此察哈爾選舉國民代表投票開票之情形也一察哈爾國民代表決定國體日期係定於上年十一月五日仍在都統署內舉行所有投票開票管理監察各員即以選舉國民代表之

管理監察各員兼充是日上午十時各國民代表一律到場先由監督宣讀上年十月八日關於國民代表大會組織法 告令並演說要旨舉各國民代表依法投票即於是日十二時開票計察哈爾國民代表七人所投七票一致贊成君主立憲全場歡聲雷動同呼中華帝國萬歲者三各界來賓參觀者多至三百餘人攝有影片用誌盛典此察哈爾國民代表決定國體投票開票之情形也 臣局伏查察哈爾此次辦理國民代表大會籌備之手續既以法令為範圍公意之贊成足徵人民所趨向除此外各省辦理情形應俟各該監督冊報到局再行彙報外所有報明國民代表大會據察哈爾國民代表選舉監督冊報先後辦理選舉投票暨決定國體投票情形各緣由理合將該區國民代表當選人姓名選舉人姓名及辦理國民代表大會選舉事務所職員姓名兩項投票開票管理監察各員姓名分繕清單恭摺具陳伏乞 皇帝陛下聖鑒謹 奏

政事堂奉

批令交內務部查照單並發此令

政事堂印

洪憲元年二月十二日

國務卿陸徵祥

蒙藏院奏哲里木盟科爾沁左翼前旗扎薩克親王銜多羅賓圖郡王丹巴達爾齋回京銷假摺
奏為賓圖郡王回京銷假據情代奏仰祈 聖鑒事准哲里木盟科爾沁左翼前旗扎薩克親王銜多羅賓圖郡王丹巴達爾齋咨稱本爵前請給假一月回旗清理旗務一案當蒙據情代奏本年一月五日政事堂奉 批令准予給假一月此令奉此遵即旋旗將應清理之旗務趕即籌辦現已清理就緒理合咨呈鈞院代奏銷假俾使照舊供職等因到院理合據情代奏伏乞 皇帝陛下聖鑒謹 奏

政事堂奉

批令悉此令

政事堂印

洪憲元年二月十二日

國務卿陸徵祥

蒙藏院奏新疆巡按使電請優卹舊土爾扈特盟長汗布彥孟庫之母一案應請毋庸置議摺

奏為奏明事竊承准政事堂交新疆巡按使楊增新電請優恤舊土爾扈特盟長汗布彥孟庫之母一案奉

諭東電悉該盟長之母病故所請照汗親王病故例優卹之處交蒙藏院查照辦理等因奉此查舊土爾扈

特汗布彥孟庫之母病故前經該汗具報業由巨院奏奉 批令照准親王嫡妃病故例致祭並照汗年俸

數目給予賻銀二千五百兩該汗之母係汗嫡妃似此辦理已屬優渥無可再加所有該巡按使請照汗親王

病故例從優賜恤之處應毋庸議除電知新疆巡按使外理合具奏陳明伏乞 皇帝陛下聖鑒謹 奏

政事堂奉

批令准如所議辦理此令

政事堂印

洪憲元年二月十三日

國務卿陸徵祥

鎮安上將軍督理奉天軍務段芝泉
鎮安右將軍督理黑龍江軍務朱慶瀾

人著有勞績懇免執行摺

奏為軍法會審審明江省軍官王鑄人等殺斃人命按律擬罪繕具判詞並陳明起釁緣由及可矜宥狀況恭

摺會奏仰祈 聖鑒事竊臣慶瀾據黑龍江第一師師長許蘭洲詳稱步兵第二團第二營軍需官許墨龍告訴本團第三營十二連連長張立壽聽從團長王鑄人造意槍擊該連連附王灼宇身死一案認爲犯刑律上之罪請核辦等情當以案關軍官犯罪發交右將軍行署軍法課行理事審問職備具意見書連同訴訟書類詳請核辦臣慶瀾查係應開軍法會審之件當即遵例組織遴派署黑龍江陸軍第一師師長許蘭洲爲審判長及派審判官四員理事檢察錄事等官列席審判去後茲據該審判長等報告會審終結審得張立壽供認王灼宇亂倫蔑長心懷義憤聽從王鑄人指使將其槍擊斃命王鑄人供述造意各情不諱詳叙事實酌核狀況援照刑律第三百十一條殺人罪擬處張立壽以一等有期徒刑十五年王鑄人一等有期徒刑十五年各依律褫奪全部公權二十年中七劉澤沛殺人未遂之所爲擬處以三等有期徒刑四年並褫奪全部公權五年司務長關俊卿遺棄屍體之所爲擬處五等有期徒刑六箇月鑄具判詞連同訴訟書類詳請奏咨前來臣慶瀾會同臣芝貴逐加詳核本案造意犯已撤團長王鑄人因知其妻被其從堂弟即已死連附王灼宇曾在途次姦污故於已撤連張立壽至其私宅密談時痛哭吁嗟有事關帷薄無顏告訴之語迨張立壽揣知王鑄人之意將其桌上所置之手槍子彈攜回交與中士劉澤沛乘夜向王灼宇施擊王灼宇僅受微傷且愈益醜罵並有必當戕害王鑄人之言經張立壽向王鑄人告知王鑄人遂益加憤怒即令張立壽送王灼宇出境殺而投之松花江以掩家醜而免賊害立壽聞言應允即行回防將灼宇引至城外數其姦嫂吞款各罪惡用槍擊其頭部致傷太陽致命當時身死復令司務長關俊卿棄屍於二家屯左近河內許墨龍因灼宇係其表戚偵知告訴其事發覺經會審訊取各供印證實情別無他故按律分別擬處徒刑臣等證以事實所判罪名尙屬允協惟查已死連附王灼宇姦嫂吞款已爲罪人而王鑄人主使張立壽殺死之因決於聞其被擊後醜罵並戕害等言忿激之際本與他項殺人者有間此等類似舊例中擅殺之案按其犯人心術及情節原於本條刑等範圍中擬處以一等有期徒刑十五年之刑雖無不合然尙覺有情輕法重之嫌正商酌辦間據軍法會審審判長第一師師長許蘭洲詳請該犯王鑄人充任團長駐紮海倫邊要保衛地方防守要塞竭盡

忠忱卓著勞績匪淺深資倚任今以犯罪在獄發諸執法貴嚴固不敢冒昧請求致開倖逃之漸而竊比議功其才既有可用亦不忍使偏裨長材因一愆而永無立功之地况遭際 聖明棄瑕取長赦罪圖功實蒙寬宥者有人貔虎之士惟有感激矧茲因謬執報仇之見自懲家惡而蹈刑法尤在矜恤之列詳請轉奏量予

恩施俾免執行應得之刑而爲立功贖罪之地等情據此臣慶瀾覆查該犯王鑄人曩在四川原充標統領著功績臣在蜀省統制任內頗資倚用嗣隨臣服務江省二年有餘充任團長心地忠實毫無過犯癸丑義寧亂起經上將軍臣段芝貴調往戰地亦著勳勞此次犯罪實因其妻在途次被王灼宇姦污款項復橫被侵吞事關帷薄無顏告訴縱令其屬張立壽轉令劉澤沛以槍邀擊後因灼宇醜罵並有戕害之言遂乘憤怒使令他人殺死以掩醜免害自解武人迂直違法殺人雖不能辭厥國法而按其情節實可矜原臣芝貴覆查該犯王鑄人從軍有年癸丑南方數省騷亂臣奉 命秉節出師督戰江西湖口王鑄人經臣調赴戰地隨軍轉戰奮不顧身著有勞勳比以微功叨受 皇上獎勵洊擢今職服務江省亦無違誤今茲殺人犯罪在法固難寬恕在情實可哀矜臣等爲愛惜人才起見意見相同合無籲請 恩施格外俯念時事多艱邊疆重地軍材難得特准將王鑄人一犯所犯罪狀應得主從各刑予以宣示後加恩免其執行如蒙 俞允即留臣等實行署効力贖罪仍請褫奪軍官軍職俟有功時察看奏請辦理以廣 皇仁而資感奮臣等不勝感悚待命之至除咨陳陸軍部查核外所有軍法會審審明江省軍官王鑄人等殺斃人命一案按照陸軍審判條例第三十九條并援照同條例第五十九條將會審情形及陳明起釁緣由可予矜宥實況連同判詞會奏請旨定奪各緣由恭摺具陳伏乞 皇上聖鑒訓示謹 奏

政事堂奉

批令王鑄人等准如所擬褫奪官職依法執行所請寬免之處應毋庸議交陸軍部查照此令

政事堂印

洪憲元年二月十三日

國務卿陸徵祥

宣武上將軍督理江蘇軍務馮國璋片奏已褫陸軍少將于有富等因公獲咎著有勞績擬請開復原官摺

再陸軍少將于有富陸軍步兵上校官長漣張鳳鳴等三員前於民國二年因在察防剿辦蒙匪不力褫奪軍官軍職嗣經先後來寧投効派充統帶稽查各差頗著辛勞深知奮勉歷時已逾兩載不無微勞足錄茲際昌期聿啟 曠典欣逢合無仰懇 天恩俯念該員等因公獲咎情尚可原可否准予開復原官以策後效而資觀感之處出自逾格 鴻慈理合附片陳請伏乞 聖鑒訓示謹 奏

政事堂奉

批令于有富官長漣張鳳鳴均著開復原官交陸軍部查照此令

政事堂印

洪憲元年二月十三日

國務卿陸徵祥

襄武將軍督理湖北軍務王占元奏保薦在籍職紳袁家驥辦匪出力行能卓著懇予破格錄用摺
奏為保薦從前在籍職紳辦匪出力行能卓著懇予破格錄用以資鼓勵恭摺仰祈 聖鑒事竊自辛亥改建共和各處土匪乘機肆擾豫南一帶匪風尤熾彼時正陽縣紳政事堂存記袁家驥適在信陽採辦拱衛軍軍米往來其間遂會集紳商籌設守望社捐資集費力任鉅艱匪徒覬覦迄未得逞民國二三年間白匪東竄潢川光州商城固始等處悉遭蹂躪正陽城卑濠淺居民聞信惶恐一夕數驚該紳星夜馳回與汝南新蔡羅山各紳商互相聯絡首先創備巨款添募團勇多名分佈偵探以通消息較舉土匪以杜內應白匪雖屢經

何卒以防範嚴密而汝察正羅各縣得以瓦全各縣設有教堂處所亦皆賴其保護臣於民國二年奉命
剿匪經過豫南各縣於該紳辦匪事實見聞較確所有隨軍糧秣緩急有時不濟該紳鄉望素孚見義勇為呼
應異常敏活臣前敵部伍得收飽騰之效臣以是益器其才今臣仰荷 特達之知忝膺專閫追溯患難與
共行能足述之人彌覺往復於衷不能自己雖該紳在籍辦團本屬應盡義務即負弩前驅單壺效順亦屬分
所應為而揆諸 聖朝微勞必錄之深仁合無仰懇 天恩准予破格錄用出自 高厚鴻慈再該職
紳袁家驥經陝西巡按使臣呂調元保薦賢才係會奉 批令交政事堂存記人員可否准以道尹存記以
勵賢才之處伏乞 皇上聖鑒訓示謹 奏

政事堂奉

批令袁家驥著仍交政事堂存記此令

政事堂印

洪憲元年二月十二日

國務卿陸徵祥

署浙江巡按使屈映光奏東陽縣署被劫案查明辦理情形將知事任汝明從寬免議并免追賠失款請
示摺

案為縣署被劫案件歷經查明實情並將先後辦理情形敬謹具奏恭摺仰祈 聖鑒事竊查民國三年十
月所屬東陽縣署發見被匪燬劫一案業於得報後即經節要電陳並將大概情形分別呈咨政事堂及內務
財政司法各部在案旋據該東陽縣知事任汝明開具圖摺詳報前來除電飭該管道尹沈鈞業及警備隊第
三區統帶姜映奎迅速派兵鎮壓查辦外當以該縣錢糧監犯均有被擄劫放情事關係重要復經飭行財政
廳暨高等審判廳選派幹員前赴該縣督同清理具報以憑核辦當據前財政廳廳長張壽鏞詳稱奉查此案

前據該知事並電到廳當以事關損失公款即經詳明派員前往澈查並以該知事甫經抵任移交款項若干飭行魏前知事據實具報奉飭前因復經加飭該委併查去後茲據該委員祝紹箕查勘明確開具摺單繪圖具報並據該前知事魏雲輝稱摺詳復又據該知事任汝明詳報土匪滋擾情形並開送搶燬各款清摺各前來據此本廳長查核委員查復當日失事情形與詳大致無異其所查損失公款及前任移交各數與該前後任所送清摺比對相符該邑既無錢鋪典當及殷實商店可以存放多數銀錢事前並未搬移出署事後爬起銀元又有自治委員同親自無侵匿捏報情弊計徵存正稅及地方公款兩項共銀元一萬七千九百六十元一角八分三釐事後掘出銀錢及前任移交未收各款尚存銀元六千一百三十元九角一分一釐應儘數抵作正稅外實被搶燬正稅及地方公款銀一萬一千八百二十九元一角七分二釐內有正稅銀六千五百一十元三角四分八釐地方公款銀五千三百一十八元九角一分四釐至錢糧冊串等項以救護迅速幸尙未被搶燬徵收一部分事宜仍可繼續進行尙無阻滯其餘關於財政被燬案卷除飭縣派員來廳查鈔外相應鈔錄委查摺單及原送各圖詳請察核並據前高等審判廳廳長楊蔭杭詳稱奉遵選派本廳刑庭推事盧鎮瀾馳往澈查茲據回廳報告查東陽縣署被匪焚劫計燬失民事已結卷一宗未結卷四宗刑事已結卷一宗未結卷四十六卷合共燬失刑民事案卷五十二宗計放逸已決案犯五十名未決案犯一百二十八名又民事羈押五名合共放逸已決未決案犯一百七十八名又民事羈押五名除詳晰開具圖樣及表冊備考外特將調查崖略報候鑒核各等語並據該管道尹沈鈞業同時詳報到署臣反覆詳核此案先後情形事本出於疏防變亦定於倉猝該地方官吏負有保全治安之職守自屬責無旁貸顧論其防範疏忽致成事變則屬有罪而論其定變俄頃立維秩序則又屬有功究其實在應以當時防禦情形是否得力爲準情節出入即爲功罪之所歸必須澈查實在方足以憑核辦而昭平允除將該管道尹統帶嚴加申斥知事任汝明撤省委員另署並將管帶屠鳳翔警所長夏元助一律撤差續委警備隊司令官徐樂堯親率該管統帶姜映奎先後帶兵前往復查總匯外一面復經密派該管員赴該縣嚴密調查究竟是項匪徒因何聚集事前有無散匪情

形圖時若何備禦來去蹤跡如何是否得能獲匪或據實得力自始事以及逃竄共經若干時刻地方秩序是否即時平復維持之法如何並著逐一探訪勸視據實詳復旋據該委秦光榮復稱鈞勳後即日輕裝前赴該縣託華購買土布商人搭附上江航船由諸暨義烏一帶沿途訪問並先親歷該縣沿城各處鄉鎮不露聲色周諮博訪旋到城內寓居旅店逐日前往茶寮酒肆密加偵訪並於被燬衙房及抵禦接擊處所一一勸視參互考證具得實在敬謹據實陳之倉東陽僻在萬山民貧俗悍又接連天仙新陳永緒諸義八邑界多山險時有盜匪出沒自近派有警備分駐該縣城鄉各地稍資安戢今夏七八月間亢陽為災民情惶動周匪永廣在仙縉一帶乘機滋擾被則竄散正在搜緝適該縣知事魏雲瀾因案調省以候補知事任汝明前往署理當於九月十九日接篆視事該知事到任以後即分遣兵警下鄉周巡分頭偵察辦事尚有條理十月九日據報該縣東鄉之玉山茶場廟有盜匪齊聚當即商撥軍隊二哨前往剿撲而同時南鄉安文地方亦有盜警因經營縣商定即日派隊前往離城五十里之巍山一帶扼要剿撲一面僱用土民分頭偵探同時並奉省電飭金華道尹暨第三區警備隊統帶姜映奎迅派軍警協防並電各該附近營縣一體堵剿不意該匪盜等繞越鳥道一日夜行一百三十餘里沿途復糾集游民土棍為數至夥於十一日拂曉掩至縣治東陽城垣久圯多通塗徑該匪盜等分頭爬入一擁至署即用洋油火藥焚燬頭門一面入署搜劫一面撞開監門押所劫放各項人犯復分赴西南各街搶掠商店當時在城防營均經分撥下鄉所留無多益以警察警隊不及百人城區地面頗闊不敷分布正在分段巡邏更番輪管該知事甫於四時查街回署得警見匪勢已迫即刻馳商該管帶屠鳳翔激勵兵警併力攻擊一面先將糧櫃搶護匪盜不支始行分頭竄逸該知事管帶隨即指揮營隊分路追剿營兵從兩路追出縣警隊分兩排一由西路追出一從北路追出三面兜擊沿途頗有擊斃盜匪留警察在城搜捕並將各處火勢極力救護盡熄次日檢視共擊斃盜匪七人並於沿途拾獲名冊子彈符號等件查勘被燬縣署頭門二堂內進辦公住屋暨甬道西廊房屋共四十餘間所有該署大堂及西隅房屋三進幸即搶護保存糧櫃冊串亦尚無恙被搶徵存糧銀一萬一千餘元尚存六千餘元各項文卷多有損失並如

前報副官劉錫蕃並受有彈傷計陣亡兵士一名受傷三名其餘獄卒伙夫警隊看護婦等亦有受傷此外居民幸未延燒被掠商店十餘家因追剿急切該盜不及搜索因之失數亦尙無多該知事隨即電報道省一面撫慰商民恢復秩序計該盜匪於是早四時入城後六時竄逸始終不過二小時至八時以後全城秩序一律回復其防禦得力鎮攝得宜尙可深信據聞該管帶屠鳳翔因公他出適於前晚甫趕到防所部之兵先已出發隨即預備出城而以是夜防守事宜由第二營所屬之副官厲得勝暨所部兵士當其責任故雖同一疏忽而該副官厲得勝負尤重此東陽縣署被劫之實在情形也等語臣一面即飭提該副官厲得勝交由該警備隊司令部從嚴審訊一面並飭該新任知事張寅設法修復衙署添募警隊仍會督營警將案內逸犯悉數偵獲究出同黨餘盜設法捕拏復因巡視 命下擬俟順巡到縣後再行親加詢訪以求詳密旋於上年六月十一日行抵該縣一路詢訪並於城內察勘周圍形勢及焚燬遺跡證以各處詳報及警備隊司令官查回詳復核與該委所稱及該縣詳報情形尙屬相符送經飭據該署縣知事張寅詳報是案匪首陳步雲及其子陳繼足業已弋獲被燬衙署亦經以次修整是項逸犯出獄後與搶劫盜匪均竄聚該縣東鄉之下樓后箬嶺及東南鄉之里傳大小金鵝金坑口等處並經該司令官徐樂堯統帶姜映奎先後督兵搜剿擊斃多人並於陸續獲到十餘名均仍分別訊判定擬現在地方較前尤爲平靜所有關於錢糧案牘事宜亦均設法清理等語查知事懲戒條例第十一條第一種懲戒處分開有縱容盜匪擾亂地方等語又知事獎勵條例第八條一等獎勵第四項開列地方有變亂時竭力防禦能保全境內之秩序者又第十一條四等獎勵第五項開列因公負傷或致私有財產損失千元以上者各等語該知事雖於任內發見此項盜匪重案而到任僅二十日似尙不能律以縱容之罪案而其竭力防禦保持境內之秩序均屬信而有徵即私有財產之損失爲數亦在千元以上權衡功罪似尙足以相當該知事業已調省察看人尙誠樸可否念其當時抵禦之功懇請 特恩免予提付懲戒所有被劫官公款銀一萬一千八百二十九元二角七分二釐姑念確係事出倉猝既據財政

處出自逾格 鴻慈除該副官厲得勝已據警備隊司令部依法判定徒刑十二年監禁暨其餘營隊官佐均分別懲處並咨陳內務財政司法各部暨飭行財政廳將存餘銀兩分正稅地方各費分別劃抵列冊具報仍飭該縣知事務緝在逃餘犯一體訊結外合將所有東陽縣署被劫一案先後辦理情形暨請將該前知事任汝明從寬免予懲戒並將被劫款項准免追賠各緣由敬謹具摺陳奏伏乞 皇上聖鑒訓示施行謹奏

政事堂奉

批令悉准如所請辦理交內務財政兩部查照此令

政事堂印

洪憲元年二月十三日

國務卿陸徵祥

江西巡按使戚揚奏彙報四年分十月至十二月懲治盜匪案件摺

奏為懲治盜匪彙案具報恭摺仰祈 聖鑒事竊查民國三年十二月二十七日奉 申令參政院議決懲治盜匪法茲公布之此令十二月六日奉 申令公布懲治盜匪法施行法等因遵經 臣會同昌武將軍

李純將懲治盜匪法施行法體察贛省情形作為適用區域電奏奉 令照准已將辦過各屬盜匪案執行

死刑各犯按季開單 奏報在案茲自民國四年十月起至十二月底止各屬拏獲盜匪訊明後報由 臣覈

飭槍斃各犯及由高等審判廳駁轉批示執行之案一併彙開清單具報除咨陳內務部司法部備案外所有

懲治盜匪彙案具報緣由理合恭摺具陳伏乞 皇上聖鑒施行謹 奏

政事堂奉

批令悉交內務司法兩部查照單並發此令

洪憲元年二月十三日

國務卿陸徵祥

政事堂印

耀武上將軍督理廣西軍務陸榮廷
廣西巡按使王祖同

奏為保送簡任人員懇准展觀量予錄用摺

奏為保送簡任人員懇准展觀量予錄用恭摺具陳仰祈 聖鑒事竊查前代理廣西田南觀察使李海恩現年四十四歲廣西桂平縣人由廩生中式光緒二十三年丁酉科舉人吏部揀選知縣二十四年考取咸安宮官學教習三十年考取記名內閣中書歷充本衙門撰文管理誥敕房事務方略館校對官頭直校簽等差並由內閣衙門咨送進士館法政理財專修科肄業期滿經學部考驗成績給領優等卒業證書三十三年二月經吏部奏保才堪任使隨時調用八月經法部咨調京師高等審判廳襄理開辦審判事宜十月派高等檢察廳幫辦檢察官十二月經法部奏准調用補授內閣中書十二月初一日經法部奏准由舉人法政畢業查照京師各級審檢員任用章程免法官考試旋由內閣中書捐免歷俸截取同知經法部奏請留內以應升之階升用仍留高等檢察廳檢察官差統計在廳任差五年均無貽誤三年兩廣總督張鳴岐奏請飭部遴員赴粵籌辦三水江門兩商埠審判事宜經法部奏派赴粵任用九月委廣東高等檢察廳檢察長後值政變事起粵省各機關多遭破壞該員當與高等審判廳廳長力任維持全廳案卷賴以保存旋由臣榮廷前在都督任內電飭回桂委任廣西司法司長時值經費支絀桂林初級審檢兩廳業經就裁高等地方審察四廳員額亦已遞減事繁員少窒礙滋多該員督率廳員勉為其難規復六廳員額廳務由是整理俸公仍照原有之數分別攤給經費迄未增加辦理頗多功效民國元年四月交卸司法司旋委廣西高等檢察廳檢察長該員到廳後仍督率廳員繼續進行不以勞苦稍懈並注意清理積案改良模範監獄出品藉資補助故數年以來廣西司法經費比較各省為最少而辦理一切尚無滯礙皆賴該員維持之力為多二年一月交卸高等檢

察長十一月委代理廣西田南道觀察使田屬與滇黔各邊毗連游匪肆擾久爲地方之害又私運煙土亦屬該處積弊該員通飭各屬嚴行查辦並與駐防百色軍隊磋商剿辦方法密購偵探加派邏卒擒獲重要匪首單眼賴四等及著匪多名並飭兵警截獲私運煙土千餘斤當衆燒燬由是轄境卒能保持治安即私吸私運之風亦漸次淨絕民國三年四月交卸觀察使職務此次被選爲國民大會代表投票決定國體後復被選爲國民會議覆選當選人巨祖同到任後深悉該員宗旨純正才堪任使未敢壅於上聞合無仰懇 恩准覲見量予錄用俾得及時自効出自 逾格鴻施理合臚述該員履歷及成績合詞恭摺具陳伏乞 皇上聖鑒訓示施行謹 奏

政事堂奉

批令李海恩准其送覲交政事堂飭銓叙局查照此令

政事堂印

洪憲元年二月十二日

國務卿陸徵祥

廣西巡按使王祖同奏南寧等各道署薦委待遇各員請分別叙官摺

奏爲南寧蒼梧柳江鎮南田南各道署薦委待遇各職人員擬請分別叙官謹繕清單恭摺具陳仰祈 聖鑒示遵事竊查文官官秩令第六條內載凡授官進官加秩係薦任職由所屬長官呈請 上令行之係委任職由所屬長官彙案呈請 上令行之又先後准銓叙局咨京外薦委各職叙官擬請交局審查覈覆又各省薦委任各職叙官擬酌量變通辦理由該管長官飭取各該員證明文件先行詳覈再行開具履歷咨送審查經先後詳由國務卿擬准照辦均奉 上批閱又准銓叙局電證明文件如有遺失即取其該管長官切實保結各等因歷經遵辦在案茲據仰兼護南寧道道尹韋文林現任蒼梧道道尹于蔭堂署柳江道

道尹龔育麒署鎮南道道尹馬振瀆署田南道道尹溫德溥等先後詳稱查文官任職表內載各道據屬分薦
 任待遇委任待遇兩級自應以道署秘書科長主任均列為薦任待遇據屬科員及視學員均應列為委任待
 遇據屬並將各該道署薦委各員履歷繕備清冊出具保結連同證明文件送請轉懇分別叙官並據南寧道
 尹肇文林柳江道尹龔育麒聲稱道署薦委各職內已經交仰各員均係在署供差有年勤勞頗著請照原資
 一律叙授以昭激勸而免向隅各等情前來臣當將送到各員證明文件與原開履歷詳加考覈資格尚屬相
 符間有證明文件不齊已經遺失者均經各該管道尹查明屬實聲稱各該員歷充各差或有案可稽或素所
 深悉其履職積資均尚屬實並出具切實保結為憑自應照章辦理合無仰懇 恩施俯准將南寧蒼梧柳
 江鎮南田南各道署薦委各員飭交銓叙局覈覆按照各員歷資分別授官以重銓政而資策勵除將送到各
 員履歷咨送銓叙局核辦外理合繕備各員銜名清單恭摺具陳伏祈 皇上聖鑒訓示施行再田南道署
 薦委各員前據呂道尹春瑄具詳前來業經奏請叙官在案現請叙官之田南道署薦委各職係接署道尹溫
 德溥到任後更換之員合併陳明謹 奏

政事堂奉

批令交政事堂飭銓叙局核辦單並發此令

政事堂印

洪憲元年二月十二日

國務卿陸徵祥

廣西巡按使王祖同奏核准免試縣知事劉致紳等請免考詢分發桂省任用並予緩覲摺
 奏為核准免試知事劉致紳等現供要職援案擬請飭部准免考詢先予分發桂省任用並緩覲見恭摺具陳
 仰祈 聖鑒示遵事竊據廣西財政廳廳長田承斌詳稱竊查現充職廳第三科科長劉致紳前充職廳第

五科長現署全縣統稅徵收局局長楊錄等二員均由前巡按使臣張鳴岐彙案保薦經第二期知事試驗
審查委員會核准免試並經咨請緩行送部考詢仍充原差在案該員等本應照章詳請給咨赴部報到聽候
考詢惟是一則掌司庫藏一則綜持徵權並皆膺任要職責重事殷未便遽易生手致滋滯礙廳長爲策勵從
公整飭財務起見理合詳請援案咨請免考詢先行分發桂省任用並緩覲見俾得安心任事等情前來臣
覆查各省保准免試知事因供要職懇請免予考詢先行分發原省任用並緩覲見歷奉 批令照准有案
今該員劉教紳等均係前清在桂候補知縣第二期知事試驗案內核准免試經前巡按使臣張鳴岐咨部
轉請緩送考詢留供原差有案茲據詳稱現皆膺任要職責重事殷未便遽易生手自保實情合無援案仰懇
恩准飭部將該知事劉教紳楊彜二員免予考詢先行分發廣西省任用並緩覲見可否之處出自
鴻施除咨陳內務部外理合恭摺具陳伏祈 皇上聖鑒訓示施行謹 奏

政事堂奉

批令劉教紳等既係現任要職應准免其考詢先行分發任用並准緩覲交內務部查照辦理此令

政事堂印

洪憲元年二月十二日

國務卿陸徵祥

廣西巡按使王祖同奏分發縣知事康和聲等到省一年期滿照章甄別摺(附單)

奏爲分發縣知事到省一年期滿照章甄別摺 摺 奏 事竊查縣知事甄別章程三
條內載到省甄別凡分發任用之縣知事應自到省之日起扣滿一年由該長官認真考核具切實考語奏
明分發照章補用等因自應遵照辦理茲查有分發廣西任用縣知事康和聲學識頗優辦事實在羅會琛諮
習法律勤於聽訟李樹柑歷資已深洞悉民情何榮璋從公耐勞清訟出力以上四員均於民國三年十一月

政府公報

奏摺

二月十九日第四十四號

至十二月先後列省扣至四年十一月至十二月各屆一年期滿經臣詳加考核試以差缺俱無貽誤均堪留
於廣西分別補用除將該員等履歷分咨內務部銓叙查照所有照章甄別分發到省縣知事緣由理合
繕單恭摺具陳伏祈 皇上聖鑒訓示施行謹 奏

政事堂奉

批今志交內務部查照並由政事堂飭銓叙局查照單並發此令

政事堂印

洪憲元年二月十二日

國務卿陸徵祥

謹將分發廣西任用縣知事到省一年期滿應行甄別各員繕具清單恭呈

計開

康和聲三年十一月十三日到省

羅會琛三年十二月二十二日到省

李樹楫三年十二月二十九日到省

何榮璋三年十二月三十一日到省

睿鑒

通告

財政部通告

爲通告事本月二十日八釐軍需公債第二次抽籤債本會場定在中央公園時間下午一時至四時務請各界蒞會參觀爲幸特此通告

肅政廳通告

爲通告事一月十日恭奉 策令特任張元奇爲都肅政史此令十四日奉到政事堂交片內開本日國務卿奉 諭都肅政史事務重要張元奇應令先行就職仍候定期覲見各等因奉此遵於本月十五日先行到廳任事除奏報外特此通告

更正

頃據內務部函稱逕啟者據京師警察廳詳稱查本年一月三十日政府公報登載京師警察廳委任職叙官名單內開警佐盧翰應請授爲上等因查該員原名盧瀚公報所登翰字係屬原詳繕寫錯誤爲此詳明並請轉行更正等情除批飭該廳照准並分行政事堂銓叙局查照更正外相應函請查照更正等因合亟更正

廣告

籌備國民代表大會事務局通告

爲通告事此次決定國體事件發端於全國國民之迫切請願參政院代行立法院以此事關係國本據約法之規定應聽解決於全國國民特議設立正大之機關以徵求真確之民意於是國民代表大會之設自國民代表大會組織法公布以來本局爲法定之籌備機關會同各地方監督長官依法籌辦自調查選舉人組織選舉會以至選舉代表決定國體均經先後依法辦理完備代行立法院彙綜全國國民代表所投之決定國體票以一千九百九十三票之全體一致贊成依國民代表大會組織法第一條之規定代表國民全體之公意決定爲君主立憲並據全國國民代表及全國人民推戴書推戴 大總統袁公爲中華帝國皇帝均經先後公布在案國體問題至此已完滿解決國民代表大會一應籌備事務亦至此一律完成國家本根庶幾底定而其中層累曲折之情形及各方面所主張之理由與其不得已之苦衷容有爲一地方一鄉邑人民所未能盡悉者本局職司籌備見聞較切用特撮舉大要通告國民查全國國民請願之始其請願書多至百起以上論其地則自二十二省各特別行政區域蒙回青海西藏以及海外僑民論其人則學士大人農工商實業以及各項公會團體雖請願之理由言人人殊而其懲既往之流失怵將來之隱患以一勞永逸之計爲久安長治之圖則固萬口同聲舉國一轍今試就其言之最深切者爲我國民告焉如謂天澤之辨伊古維嚴君臣大義同於父子以宗法爲國家之本即以齊家爲治國之源國性精神端在於此一旦易天秩爲平等不免等君父於路人倫紀蕩然國將焉賴雖曰以國家爲本位而無形之國家思想何能普及於一般人民茫茫人類將如散沙社會失其關聯國家何由存在此從倫理論之而知共和之不宜於我國者也又謂中國政治淵源本於天道首出庶物之人厥爲乾坤宗子以天道之神聖淵穆愈以增君主之尊嚴王命所在雖婦人女子亦能知所廢興用以奠定邦基又安黎庶者元首可爲齊民選出將人讓可取而代之心權利競爭禍將靡底此從治本論之而知共和之不宜於我國者也又謂國家創業垂統肇始幾軒數千年歷史相承君統未嘗中絕即在英雄割據之時而正統偏安猶待史家論定凡以明一日不可無君之義即可知四海攸賴一人之殷改革以來羣龍無首髮故迭生邦基隍枕賢智者日夕憂疑惟魯者莫知所措設更委心任運恐不免神州陸沉此從歷史論之而知共和之不宜於我國者也又謂歐洲各共和國區域均不甚廣北美洲外已近聯邦

我國方里四千萬而且五族各異其性南北各異其宜苟中央權方稍輕則四境難施統馭以數千年五族一家之偉大民族豈可令其豆剖瓜分此從地理論之而知共和之不宜於我國者也又謂辛亥事變起於倉猝國體問題未遑過計改革甫經一載禍敗即已橫生值元首改選之交遂生轅寧之亂中原鼎沸生民塗炭勞師糜餉幸以救平而東南民力於是盡矣人民經一度之變亂每念及國家根本常惴惴於禍至之無日社會事業無一進行國家政務因之止步不得已而延長總統任期而人民慮遠思深以爲將來之禍變終不能免且禍變之推測愈遠則國事之停滯愈多我國國際地位已在四面楚歌之中欲圖生存競爭豈能長此終古此就往事驗之而知國體之必宜變革者也又謂國勢之強強於衆志必普天皆無異嚮斯治化乃期有成民國成立以來因繼體者無惟一適當之人故不免各存希冀明知無百年不易之主遂人人存先事準備之心或暗中擁戴一人或設法把持一地以堂堂一統之中國而內容已兆瓜分統治者非不才略過人而全副精神恆疲於對付之中而莫由以自展識時之士深用隱憂不及早改弦更張則分裂之爲期不遠此就近事考之而知國體之必宜變革者也又謂國家趨勢非立憲不能圖存然立憲者定國家百年之大計謀教育實業軍事之發達其事至大程功至久又非朝不保夕之國家所可望也而細察我全國國民心理以爲將來競爭大總統之戰亂不知已於何時後來之事思之寒心方備亂之不暇而何有於致治若不從根本改革無論爲大總統者如何賢明不過多方設法以維持現狀已爾欲求立憲以謀國家之進步南轅北轍其道無由此就將來論之而知國體之不可不從速變革者也更有就君主與立憲相互關聯之處立論者略謂天下之生一治一亂考五千年歷史異姓代興之事多至二十餘朝或數百年而易或數十年而易甚或數年而易其開創之君非不雄才大略規模宏遠無如數傳而後法度漸弛遺澤就涇國統絕六朝五代之際君位直如奕棋人民蕩析離居幾於不可終日論者每舉以爲君主制病而不知此非君主制之病君生而不採用立憲制之病也世界各國政治均由人治時代晉而爲法治時代而中國政治蓋猶有數千年來人存政舉之選思前此治亂相循邦基不固國是未定厥有由矣現在欲求立憲既以君主爲前提而實行君主制度尤必以立憲爲要義查東西立憲國家有強固之政府以擔負責成有穩健之議會以協贊政府上下相與之際各有一定之法令以爲運行君主總攬大權實居於調禦之地位相推相溢以劑其平英主無所增中主無所損故國家元首雖等於神聖之尊嚴而其實實立於政治潮流之外有政府與人民接近之事而無君與民衝突之

事國有長君固係國家之福即有時而君以冲鋒踐跡亦不至搖動邦基世界立憲國家其政治史蓋可取而覆按也我國幸於決定君主立憲國體後使憲政得以實行是有數千年君主之利而無數千年君主之弊政治革新遠軼三五矣此就君主立憲綜合言之而知中國之國體政體舍此更無他道也以上各種理由特就全國國民歷次請願書中所主張舉其較重者言之餘者尙更僕難盡成編具在可以覆徵代行立法院因其言之痛切而有益於事勢也以決諸國民之公意而全國之國民代表亦途人同此心心同此理以相與有成使我五千年聖聖相承之君主國體回復舊觀各強國盛行之立憲政治得所期望倚歎盛哉固係我國民程度之高而以國民組織國家以國民推戴君主開世界最新之特例留歷史無上之光榮試以此次改革與從前征誅之局相較征誅者克以武力彼此不免猜嫌非厲行專制之後難言民意此次改革純出於民意之協同全國上下共此一心憲政之進行法治之國家即可由斯地點再以此次改革與從前揖讓之局相較揖讓之授受終未能出自人民其君民之感孚恐不能異常融洽此次推戴純出於民意之愛戴君民之際不啻家人好民之所好惡民之所惡斷不至稍形隔膜故自君主立憲國體確定以來今上皇帝以救國救民之業願爲國民民福之良圖於國家根本問題則從速制定憲法定期召集民選之立法機關於國家行政事務則派員調查弊稅爲刷新財政之圖下令考試甄用人才爲延攬賢能之具其附麗於數千年來君主國體之一切弊政如沿用閹人採選宮女以及拜跪奔走繁文縟節等等又已明令聲明概從屏棄永懸厲禁併聲明總期君主批政悉予掃除等因開國規模權輿於此上年十二月十三日國體既定文武官吏觀賀皇帝於居仁堂 皇帝面諭臣工謂現在全國人民以我國不適共和議定改建國體爲君主此爲人民心理所趨向予自當以民意爲重已無討論之餘地予被全國人民推戴爲中華帝國皇帝自願實不勝慚悚我國國勢積弱險象四伏如求轉弱爲強殊非易事國家建造之始即當爲久遠大計來日方長更不知有幾許困難大位在身永無息肩之日故皇帝實爲一憂勤惕厲之地位決不可以安富尊榮視之且歷代皇帝子孫鮮有良善結果即平時一切學問職業皆有限制不能自由予今爲救國救民計犧牲一身犧牲子孫亦義不敢避惟中國至大國事至重予以一手一足爲力幾何所望大眾同心協力犧牲一切以救國家庶足匡予不逮此次籌備大典務宜刪削繁文不僅吾國歷代繁重之典禮不可蹈襲即世界各君主國現行之典禮苟有稍涉繁重者亦不必採用總之皇帝不過爲國家元首一種尊號至於立國精神全在上下協力堅苦卓絕若

予視皇帝為尊榮則國家必不保即大眾如視皇帝為尊榮則國家亦必危自今以後予與國民當共視以
薪嘗膽之日惟願各以國家為重以期共濟艱難若國體既改而於政治不能整理進行不僅予無以對我國
民即庶職百司亦皆無以對我國民也等語 天語煌煌羣衆感泣恭繹其義約有數端一國體決定後將
來政治進行必有以慰全國人民之希望二犧牲一切以救國則決定國體事件實關於國家之久安長治不
關於一姓之安富尊榮三籌備典禮力削繁文必一洗數千年君主秕政之積弊四因國事艱難願萬衆同心
協力即為實行立憲政治之精神此項鄭重宣言求之中西史乘均所罕覩凡我國民均應一心一德仰副

聖懷矧自改元洪憲以來首 願注重師範教育及警察法規之令凡所以為增進國民智識維持國家
公安計者用意至為深遠而整理財政實行預算制度并以 明令聲明辦事者多節一分糜費即為國家
厚一分財源并即為吾民養一分物力等因節用一人之訓充足表示憲政精神至於國家政務應與應革事
件現復通盤計畫虛懷採納以期利於民者無不歸納於民者無不去唐虞三代之盛軌五洲萬國之隆規如
果天佑中華行之十年必有治定功成之日溯自清末失政民權水火想望治平不可必得良善者坐困閭閻
狡黠者輟耕隴上卒因救濟無法終不免以暴易暴之嫌如水益深如火益熱民生憔悴數年於茲今幸空前
絕後之法定國民代表大會以全國一致之公誠定萬年不拔之君憲而代行立法院復以全國國民總代表
之資格代表國民全體公意再三推戴惟 皇建極國乃永寧從此世際昇平造端伊始國家興替匹夫有
責願各竭手足之能成此昌明之運國家幸甚國民幸甚特此通告

洪憲元年一月十日

經界局經界學校招考廣告

本校隸屬經界局因養成經界職員起見特招本科及特科學員各五十名授以高等測量學及經界必要知
識特科投考資格中學校畢業會習過各省陸軍測量學及工業專門學校土木科二三年級課程具有測量
及數學根柢者本科投考資格曾在中學校畢業者各學員考取入學所有在學中學費膳費住宿費實習費
等均由校中供給特科學員每人更月給膏火十元以資津貼畢業後一律歸經界局任用考試地點北京經
界局上海大同學院考試時期三月一日至三日有志投考者請付郵票十三分向以上兩處領取詳細章程
及報考書可也報考一月二十五號截止

爲通告事本局此次籌備國民代表大會悉依國民代表大會組織法之規定辦理所有與各監督往來文電均確遵法律不越範圍并隨時送登政府公報本局爲法律上籌備機關業於上年十月十二日呈報籌備進行辦法文內聲明此後國民代表大會之組織既爲國家大法所明定則國民代表之如何選舉亦即爲國家大政之所關國家大政應依法定標準而行所有法定籌備機關及法定監督機關如何執行法律悉應以官文官電爲準此外報紙揭載若於國民代表大會有關事件除係照登業經宣布之官文官電外其或得諸傳聞或出諸懸揣苟有與法定辦法不符之處在各該報紙即無故淆觀聽之心而事關國家根本大計似未便其詭以傳訛致與代立法院格外審慎之情有違擬請在國民代表大會籌備進行期內除國民代表大會組織法當然遵守外即組織法所未備者亦以法定之籌備機關監督機關依法發布之官文書爲準其在法律範圍內者各報章如有登載錯誤之處即由各監督轉飭地方官署隨時查明更正等因復於上年十月十六日諫電將上項辦法通電各監督長官又於上年十月十七日籙電以國民代表大會組織法公布以後之私人函電如果在法律範圍之內本非絕對不可採用惟此事既係依法辦理則無論如何運用終不能大遠於立法之精神本局開辦之初即有鑒於此曾經呈明大總統略稱組織法公布以前之種種議論均以組織法爲歸宿組織法公布以後之種種辦法一以組織法爲標準等因通電各監督長官聲明迅速依法籌備各在案乃自慎事發生後竟有假託本局名義或其他箇人名義捏造電報登各報者閱之不勝駭異查本局電報上年十月間既已通電聲明以依法發布之官文書爲準此項捏造電報係在原呈所謂不在法律範圍內者之列亟應通電再行聲明應請各監督轉飭地方官署遵照上年通電查明更正以免誤會總之國民代表大會事關國家根本大計各省各特別行政區域監督長官依法辦理既爲地方人民所共見即非一紙電報所能私況各縣初選當選人選舉之調查審查其舉辦時期確在國體請願事件尚未發生以前各該初選區域但有舞弊違法之事本局無不立予依法糾正全案多已載諸政府公報豈能指爲預有操縱之心迨籌備國民代表選舉期內凡所謂依照法定程序及確依法律範圍之電幾於日有數起當其時舉國人心望治若渴汲汲於早定國是或尙不免有以本局拘文牽義爲本局詬病者觀過知仁則本局執行法律之苦衷即可以拘牽而證明其尊重而謂本局敢於法律範圍以外有所行動耶現在各省各特別行政區域

籌辦國民代表選舉投票各項實在情形業准先後咨報冊報到局本局當即隨時分別彙報有案是法定全國國民代表之如何依法選舉如何依法投票辦理者既非一人舉行者復非一地監督本各有責任籌備亦初無成心法律範圍始終恪守檔案具在事實難誣未容以杯弓蛇影之談疑及於畢雨箕風之好除通電聲明假託本局名義暨箇人名義所登非法電報係屬捏造或由各報紙傳聞失實所致應依上年十月十六日本局通電由各監督長官轉飭地方官署查明更正外特此通告

●中國銀行告白

查本行招考預備員練習生章程每年三九兩月考取新生兩次現因去年九月間考取新生額數較多尙未傳到者頗不乏人本屆特停止招考一次特此通告

●中國銀行廣告

本行於去年九月間派員赴滇籌設雲南分行並未開辦現在籌備各事均已停止並無對外發行之件如有冒用雲南中國銀行名義發行文件券據者本行概不負責特此聲明

●遺失徽章

周新讓遺失參謀本部第三百零三號徽章一枚特此聲明作廢

●通告中外商民人等

財政部爲通告事查雲南省現有亂黨擁兵謀叛難保不乘時濫發軍用鈔票希圖攪利亟應預爲宣布以免華洋商民行使收用自貽後累爲此登報通告華洋商民人等如果雲南省有亂黨發行軍用鈔票等物切勿行使如果收用將來中國政府不負責任勿謂言之不預也恐未週知特此通告

●大律師李焜墀廣告

本律師專以鞏固國法維護人權樹強法爲目的現已簡假仍代理北京各級法院民刑訴訟及一切法律